

春秋傳服氏注

春秋傳服氏注六

鄭氏佚書十五之六

鄭袁鈞學

文公左氏傳解詁弟六

忍人也

元年

言忍爲不義

史記楚世家注

能事諸乎

若立職子能事之

楚世家注攷證曰事之下疑掇乎字

能行大事乎

謂弑君

楚世家注

不登于明堂

二年

明堂祖廟

通典吉禮篇大享明堂類攷證曰本疏及禮玉藻疏並云左氏舊說及賈逵盧植蔡邕服虔等皆以祖廟與明堂爲一

邕服虔等皆以祖廟與明堂爲一

故禹不先鯀湯不先契文武不先不窟

周家祖后稷以配天明不可先也故言不先不窟禹

湯異代之王故言不先鯀契也

本疏

取王官及郊

三年

皆晉地不能有

史記秦本紀注

舉人之周也

周備也

秦本紀注

晉侯伐秦圍邠新城

四年

秦邑新所作城也

史記晉世家注

王使榮叔來舍且贈

五年

含賄當異人今一人兼兩使故書且以譏之

本疏攷證曰疏

備賈服

忽諸

諸辭

詩柏舟疏

使狐射姑將中軍趙盾佐之陽處父至自溫改蒐于董

易中軍

六年

使射姑代先且居趙盾代趙衰也箕鄭將上軍林父

佐也先蔑將下軍先都佐也改蒐于董趙盾將中軍

射姑奔狄先克代佐中軍耳

本疏

以子車氏之三子奄息仲行鍼虎爲殉

子車秦大夫氏也殺人以葬璇環其左右曰殉

詩黃鳥疏

爲之律度

鳧氏爲鐘各自計律倍而半之黃鐘之管長九寸則

黃鐘之鐘長二尺二寸半餘鐘亦各自計律倍而半

之度量衡其本俱出于律

本疏

晉人以難故

晉國數有患難也

史記晉世家注

難必紓矣

攷證曰今本紓疏引服虔作紓

紆緩也

本疏

辰嬴嬖于二君

辰嬴懷嬴也二君懷公文公

史記晉世家注

班在九人

班次也

晉世家注

秦康公送公子雍于晉

七年

康公秦穆公太子瑤晉出也

御覽皇親部太子類

無衛

衛從兵也

御覽皇親部太子類

故有呂卻之難

鄭氏佚書

春秋傳服氏注六

呂甥卻芮欲焚公宮也

御覽皇親部太子類

穆羸

襄公夫人

御覽皇親部太子類

將焉寘此

寘置也

御覽皇親部太子類

此太子

史記晉世家注

此子也才吾受子之賜不才吾唯子之怨

如子善爲教誨此子使之有賢才知人君之道也則

吾受子之賜賜猶惠才而受賜美其教也不才怨子

惡其教不至

御覽皇親部太子類

言猶在耳

君沒未久其言聲語氣尙在耳

御覽皇親部太子類

宣子與諸大夫皆患穆嬴

言諸大夫患穆嬴之言以君顧命之言實己也

御覽皇親

部太子類

且畏偏

畏逼迫無置公一云畏他公子相逼迫也

御覽皇親部太子類

正德利用厚生

正德人德利用地德厚生天德

周禮大司樂疏攷證曰疏偏賈服注

晉侯使解揚

八年

解揚晉大夫

史記晉世家注

且復致公壻池之封

致之于鄭

本疏

且言司城蕩意諳而復之

十一年

反不書者施而不德

本疏

鄭瞞侵齊遂伐我

鄭瞞長翟國名

史記魯世家注

伐我不書諱之

本疏

富父終甥駟乘

富父終甥魯大夫也

史記魯世家注

敗狄于鹹

魯地也

魯世家注

富父終甥春其喉

攷證曰今本作拊
錄注服本是春字

春猶衝

魯世家注

以命宣伯

宣伯叔孫得臣子喬如也得臣獲喬如以名其子使

後世旌識其功

魯世家注

初宋武公之世

武公周平王時在春秋前二十五年

魯世家注

獲長狄緣斯

不言所埋埋其身首同處于戰地可知

本疏

皇父之二子死焉

鄭氏佚書

春秋傳服氏注六

五

賈逵云皇父與穀甥牛父三子皆死鄭眾以爲穀甥
牛父二人死耳皇父不死馬融以爲皇父之二子從
父在軍爲敵所殺名不見者方道二子死故得勝之
如令皆死誰殺緣斯虔謂殺緣斯者未必三子之手
士卒獲之耳下言宋公以門賞彫班班爲皇父御而
有賞三子不見賞疑皆死賈君爲近之本疏攷證曰虔謂本作服虔云以義改也服氏解誼每列眾說而折衷之疏引此注自賈逵云至賈君爲近之則賈逵已下皆解誼中所有也孔氏易虔謂爲服虔云隔斷遂使原引幾不可知賴有賈君爲近之一語耳知服虔云當是虔謂者鄭注每用元謂以別眾說漢人多然

衛人獲其季弟簡如

獲與喬如同時

史記魯世家注

郕太子朱儒自安于夫鍾國人弗循

攷證曰今本作徇標注服本是循字

自安猶自處也夫鍾邑名循順也

御覽皇親部太子類

郕人立君太子以夫鍾與郕邾來奔

十二年

立君改立君不問天子也郕邾亦邑名也一曰郕邾

之家寶圭太子及自而自安于夫鍾國人以爲不順

故郕伯卒而更立君太子以其國寶與地夫鍾來奔

也

御覽皇親部太子類攷證曰太子及自句不辭有挽譌

取羈馬

晉地也

史記秦本紀注

郕氏失簪

春秋傳服氏注六

以從秦師于河曲

河曲晉地

秦本紀注

能賤而有恥

十三年

謂能處賤又且知恥言不可汙辱

本疏攷證曰白珽
湛淵靜語引此注

無謂字

乃使魏讐餘

攷證曰今本作壽餘
據注服本是讐字

魏讐餘晉之魏邑大夫

史記秦本紀注

繞朝贈之以策

繞朝以策書贈士會

本疏

大室之屋壞

大室太廟之上屋也

北史牛宏傳攷證曰又見通志一百六十隋書四十九引者室

廟二字倒換誤詩魯頌諸禮記明堂位二疏並引太廟之室四字本疏云賈服等皆以爲太廟之室也

子家賦載馳之四章

載馳五章屬酈風許夫人閔衛滅戴公失國欲馳驅而唁之故作以自痛國小力不能救在禮婦人父母旣沒不得寧兄弟于是許人不嘉故賦二章以喻思不遠也許人尤之遂賦三章以卒章非許人不聽遂賦四章言我遂往無我有尤也

詩載馳序疏

單伯如齊請子叔姬齊人執之

十四年

子殺身執閔之故言子爲在室辭

本疏

宋華耦來盟其官皆從之書曰宋司馬華孫貴之也十五年

華耦爲卿侈而不度以君命修好結盟舉其官屬從

之空官廢職魯人不知其非反尊貴之

本疏攷證曰疏釋服注之

意云其意以爲貴之者魯人貴之非君子貴之

史佚有言

史佚周成王太史

禮記玉藻疏

一人門于句鄆一人門于戾丘皆死

魯國中小寇非異國侵伐故不書也

本疏

公子鮑美而豔褻夫人欲通之而不可

十六年

襄公夫人周襄王之姊王姬也不可鮑不肯也

史記宋世

注家

齊侯伐我北鄙

十七年

再來伐魯西鄙誓北鄙不書諱仍見伐

本疏

以戴陳事

歲敕也

本疏攷證曰疏言賈服皆云

鹿死不擇音

鹿得美草呦呦相呼至于困迫將死不暇復擇善音

急之至也

本疏

周甘歆敗戎于郊

邠歆在高都南

水經洛水注

而私事襄仲

十八年

襄仲公子遂

史記魯世家注

叔仲不可

叔仲惠伯

魯世家注

在九刑不忘

正刑一議刑八小司寇八辟議親議故議賢議能議

功議貴議勤議讓謂之八刑

本疏攷證曰疏云服云正刑一議刑八即引小

司寇八議議親故賢能功貴勤實之辟此八議者職于司寇之章周公已制之矣後世要作何所復加但所議八等之人就其所犯正刑議其可赦與否入者所議其刑一也安得謂之八刑今取小司寇文補入

又取疏駁服語謂爲九刑周禮司刑疏攷證曰司刑之八刑四字入注爲九刑疏引賈服說正刑一加之以八議又引王氏詳說僞服以爲五刑一與八議爲九刑今取爲九刑三字入注

昔高陽氏有才子八人蒼舒隤攷禱戡大臨龍降庭堅

仲容叔達

八人禹歟之屬也

本疏

謂之渾敦

山海經以爲驩兜人面馬喙渾敦亦爲獸名

本疏

少皞氏

金天氏帝號

史記五帝本紀注

服讒蒐慝以誣成德

攷證曰成今作盛據注服本是成字

服氏大書

春秋傳服氏注六

九

蒐隱隱謂陰隱爲惡也成德謂成就之德故爲賢

人也

本疏

謂之窮奇

謂其工氏也其行窮而好奇

史記五帝本紀注

謂之檮杌

案神異經云檮杌狀似虎毫長二尺人面虎足豬耳

尾長丈八尺能鬪不退

本疏

縉雲氏

夏官爲縉雲氏

本疏

謂之饕餮

貪財爲饕餮食爲饕

本疏攷證曰疏傳先儒賈服等注

案神異經云

饕餮獸名身如牛人面目在腋下食人

本疏

以禦螭魅

螭山神獸形或曰如虎而噉虎或曰魅人面獸身而

四足好惑人山林異氣所生爲人害

周禮家宗人疏攷證曰史記五

帝本紀注引魅人面以下魅上有螭字據周禮疏則人面獸身四足者是魅訓衍螭字尔獸身下無而字

所生下
有以字

鄭氏佚書

春秋傳服氏注六

十

春秋傳服氏注七

鄭氏佚書十五之七

鄧袁鈞學

宣公左氏傳解詁弟七

遂以夫人婦姜至自齊

元年

古者一禮不備貞女不從故詩云雖速我訟亦不女
從宣公旣以喪娶夫人從亦非禮故不稱氏見略賤
之也

本疏

楚子侵陳遂侵宋晉趙盾帥師救陳

趙盾旣救陳而楚師侵宋趙盾欲救宋而楚師解去

本疏

遇于北林

北林鄭南地也

水經漢水注

見叔牂曰子之馬然也對曰非馬也其人也既合而來
奔二年

賈逵云叔牂宋守門大夫萼元既見叔牂牂謂萼元
曰子見獲于鄭者是由子之馬使然也萼元對曰非
馬自奔也其人爲之也謂羊斟驅入鄭也奔走也言
宋人贖我之事既和合而我既來奔耳鄭眾云叔牂
卽羊斟也在先得歸萼元見叔牂牂卽誣之曰奔入
鄭軍者子之馬然也非我也萼元對曰非馬也其人

也言是汝駟之耳叔牂既與萼元合語而卽來奔魯
又一說叔牂宋人見宋以馬贖萼元謂元以贖得歸
謂元曰子之得來當以馬贖故然萼元曰非馬也其
人也言已不由馬贖自以人事來耳贖事既合而我
卽來奔本疏攷證曰疏謂服虔載三說皆以子之馬
然爲叔牂之語對曰以下爲萼元之辭因列
賈逵鄭眾及又一說于後是此三說並服注所有也
解證列眾說而折衷之疏云皆以爲者或卽約折衷
之辭與

于思于思

白頭貌

詩魏風疏攷證
曰本疏作買注

宰夫肺熊蹯不熟

顛熊掌其肉難熟

史記晉世家注

遂跣以下

攷證曰義云服本扶作跣

趙盾徒跣而下走

本疏

公啜夫羹焉

啜噉也夫語辭羹犬名公乃噉夫羹使之噬盾也

本疏

攷證曰釋文云噉服本作啜則注當以噉訓噉本疏引作噉噉也蓋倒換字今正之

宦三年矣

宦學也

禮記曲禮疏

學仕也

史記晉世家注攷證曰本作宦官學士也案疏云曲禮宦

學事師二者皆是學但宦者學仕學者學終歲以此爲異曲禮疏引者既以學訓宦則史記注當是宦學學仕也五字蓋誤學爲宦訓仕爲士百今正之

不告而退

不望報

晉世家注

爲訟受惡

聞義則服

晉世家注

初驪姬之亂詛無畜羣公子

驪姬與獻公及諸大夫詛無畜羣公子欲令其二子

專國

本疏

趙盾請以括爲公族

公族大夫也

史記晉世家注

趙盾爲旄車之族

駟車戎車之倅

詩汾沮如疏

楚子伐陸渾之戎遂至于雒觀兵于周疆

三年

陸渾戎在洛西南觀兵陳兵示周也

史記楚世家注

定王使王孫滿勞楚子

以郊勞禮迎之也

楚世家注

貢金九牧

使九州之牧貢金

楚世家注

罔魅魍魎

罔山神獸形魅怪物魍魎木石之怪

周禮家宗人疏

文公報鄭子之妃

鄭子文公叔父子儀也報復也淫親屬之妻曰報漢

律淫季父之妻曰報詩雄雉序疏

子公之倉指動四年

第二指史記鄭世家注俗所謂噍鹽指也本疏

以貫笠轂

笠轂轂之蓋如笠所以蔽轂上以禦矢也一曰車轂

上鐵也或曰兵車旁幔輪謂之笠轂本疏

豐之离六年

日中而昏也釋文攷證曰此注未全釋文日上衍沫字豐二爲离主爻至明應五柔暗故爲

日中見斗之象斗昏見者故服云日中而昏也

春秋傳服氏注七

令尹薦艾獵城沂

十一年

艾獵薦賈之子孫叔敖也此年云令尹薦艾獵明年

云令尹孫叔敖明一人也

本疏

韓厥爲司馬

十二年

厥韓萬元孫

本疏

觀釁而動

釁間也

釋文

莒子曰

食采于莒

本疏攷證曰其上當有莒子先穀四字文不具

在師之臨

坎爲水坤爲眾又互體震震爲雷雷鼓類又爲長子
畏子帥眾鳴鼓巡水而行行師之象也臨兌爲澤坤
爲地居地而俯視于澤臨下之義故名爲臨本疏
彘子尸之

主此禍也易師卦六五畏子帥師弟子與尸凶長子
帥師以中行也弟子與尸使不當也佐之于元帥弟
子也而專以師濟使不當也軍必破敗而與尸本疏

藍縷

言其縷破藍藍然

本疏

分爲二廣廣有一卒平偏之兩

左右廣各十五乘百人爲卒言廣有一卒爲承也五十人曰偏二十五人曰兩廣旣有一卒爲承承有偏

偏有兩故曰卒偏之兩

周禮司馬疏

御下雨馬掉鞅而還

兩飾也掉正也

本疏攷證曰此杜注疏云兩飾掉正皆無明訓服虔亦云是相傳爲然也

射麋麗龜

麗著也龜背之隆高當心

本疏

晉魏錡

讐子

本疏

脫局

扇橫木投輪間一曰車前橫木也

釋文

鄭石制實入楚師

入楚師使楚師來入鄭

本疏

登諸樓車

十五年

樓車所以窺望敵軍兵恡所謂雲梯也

史記鄭世家注

有从無實

實墜也

鄭世家注

與之盟而告王

與莒元私盟許爲退師若孟任割臂與魯莊公盟

本疏

宋及楚平

稱人厭辭善其與眾同欲

本疏

而奪黎氏地

黎侯之國

詩旄丘序疏

故文反正爲乏

言人反正者皆乏絕之道也人反德則妖災生妖災

生則國滅亡是乏絕之道也

本疏

成周宣榭火

十六年

宣宣揚威武之處

本疏

公孫歸父

十八年

歸父襄仲之子

史記魯世家注

欲去三桓

三桓魯桓公之族仲孫叔孫季孫

魯世家注

使我殺嫡立庶以失大援者仲也夫

援助也仲殺嫡立庶國政無常隣國非之是失大援

助也

魯世家注

春秋傳服氏注八

鄭氏佚書十五之八

鄧袁鈞學

成公左氏傳解詁第八

作巨甲

元年

司馬泮云九夫爲井四井爲邑四邑爲丘

禮記坊記疏攷證曰

此下原引有馬一匹牛三頭四丘爲甸出長轂一乘甲士三人步卒七十二人馬四匹牛十二頭三十二字與後詩疏引複刪之有戎馬一匹牛三頭是曰匹馬丘牛四

丘爲甸甸六十四井出長轂一乘馬四匹牛十二頭

甲士三人步卒七十二人戈楯具備謂之乘馬

詩信南山

疏攷證曰詩疏引此前有司馬法云四邑爲丘八字文重刪去

鄭氏佚書

春秋傳服氏注八

師陳于牽二年

牽齊地名也

史記齊世家注

奉觴加璧以進

司馬法其有殞命以行禮如會所用儀也若殞命則

左結旗司馬授飲右持苞壺左承飲以進

本疏

而使齊之封內盡東其畝

欲令齊隴畝東行

史記齊世家注

五伯之霸也

五伯謂夏伯昆吾商伯大彭豕韋周伯齊桓晉文也

詩譜序疏

若苟有以藉口

今河南俗語治生求利少有所得皆言可用藉手矣

本疏

織紵

織紵治繒帛者

詩采
織疏

季文子以鞶之功立武宮

六年

鞶之戰禮武宮以求勝故立其宮

本疏

必居郇瑕氏之地

郇國在解縣東郇瑕氏之墟也

水經涑水芒

沃饒而近鹽

郭氏失書

春秋傳服氏注八

土平有溉曰沃鹽鹽池也

水經凍水注

子之佐十一人

是時欒書將中軍荀首佐之荀庚將上軍士燮佐之
卻錡將下軍趙同佐之韓厥將新中軍趙括佐之鞏
朔將新上軍韓穿佐之荀騅將新下軍趙旃佐之

本疏

使爲行人于吳

七年

行人掌國賓客之禮籍以待四方之使賓大客受小

客之幣辭

史記吳世家注

宋公使公孫壽來納幣

八年

不稱主人母命不通故稱使婦人無外事

儀禮士昏禮疏

武從姬氏

成公之女

本疏攷證曰疏傳賁服先儒皆云

召桓公來賜公命

夷狄曰天子

禮記曲禮疏攷證曰本疏于經下引賈逵云諸夏稱天王畿內曰王夷狄曰天子

子王使榮成叔歸含且贈以恩深加禮妾母恩同畿內故稱王成公八年乃得賜命與夷狄同故稱天子蓋賈服義司

致女

九年

謂成昏

禮記曾子問疏

晉侯夢大厲

十年

公明之鬼

本疏

鄭氏失書

春秋傳服氏注八

居育之上膏之下

膏雖疑者爲脂釋者爲膏其實疑者亦曰膏故肉則

云小切狼膈膏

本疏攷證曰
疏偶賈服

御肇來聘

十一年

御克從祖昆弟

本疏

吾不以妾爲姒

兄弟之妻相謂爲姒

本疏攷證曰疏偶
賈達鄭元皆云

成子受賑于社

十三年

賑祭社之肉也盛以脣器故爲之賑

漢書五
行志注

寡人不佞

佞才也不才者自謙之辭也

論語公冶長疏

左師二司寇二宰遂出奔楚

十五年

魚石卿故書

本疏

今楚內棄其民而外絕其好瀆齊盟而會話言奸時以動而疲民以逞民不知信進退罪也

十六年

外絕其好刑不正邪也會話言義不建利也疲民以

逞信不守物也

本疏

晉楚遇于鄢陵

鄢陵鄭之東南地也

史記晉世家注

皆曰國士在且厚不可當也

鄭氏佚書

卷八 傳月 日 注

川文閣

賁皇州犁皆言曰晉楚之士皆在君側且陳厚不可
當州犁言晉彊賁皇言楚彊故云皆曰也

本疏

其卦遇復

復反也陰盛于上陽動于下以喻小人作亂于上聖
人興道于下萬物復萌制度復理故曰復也

本疏

射其元王中厥目

陽氣觸地射出爲射之象

本疏

有繇韋之跗注

跗謂足跗注屬也袴而屬于跗

周禮司服疏攷證曰疏僞賈服等說

子反命軍吏察夷傷

金創爲夷

本疏

宣伯通于穆姜

宣伯叔孫喬如

史記魯世家注

子叔聲伯使叔孫豹請逆于晉師

叔孫豹先在齊矣此時從國佐在師聲伯令人就齊師使豹豹不忘宗國聞白國佐爲魯請逆

本疏

宋齊衛皆失軍

失軍失其軍糧

本疏

懼不敢占也

十七年

聲伯惡瓊瑰贈死之物故畏而不言也

詩渭陽疏

鄭氏失書

春秋傳服氏注八

五

辛未朝于武宮

十八年攷證曰今本辛巳疏云服虔本作辛未

荀賓爲右司士屬焉

司士主右之官謂司右也

本疏

春秋傳服氏注九

鄭氏佚書十五之九

鄧袁鈞學

襄公左氏傳解誼弟九

敗其徒兵于洧上元年

洧水名

史記鄭世家注

是棄功與言

二年攷證曰今本功作力釋文僂服本如此

帥組甲三百

三年

以組綴甲

初學記武部甲類攷證曰又見禮書本疏僂買注

建一官而三物成

所舉三賢各能成其職事

本疏

鄭氏佚書
春秋傳服氏注九

事君不辟難

謂敢斬揚干之僕是不辟獲死之難

本疏

使佐新軍

于是魏頡卒矣使趙武將新軍代魏頡升魏絳佐新

軍代趙武也

本疏

武不可重

四年

重猶大也言武事不可大任

本疏

戎狄薦居

薦草也言狄人逐水草而居徙無常處

本疏

子罕善之如初

六年

言子罕不阿同族亦逐樂轡以正國法忠之至也及樂轡射其門畏從萼弱之罰復善樂轡如初是爲茹柔吐剛喪其志矣傳故舉之明春秋之義善惡俱見

本疏

使皇鄖命校正出馬

九年

皇鄖皇父充石之後十世宗卿爲人之子大司馬椒也

本疏

陶唐氏之火正閼伯居商丘祀大火而火紀時焉相土因之

商丘地名相土契之孫因之者代閼伯之後居商丘

鄭氏佚書

卷之八 月 上 注

二

湯以爲號

詩商頌譜疏攷證曰本疏引作相土居商丘故湯以爲天下號

棄位而姦不可謂貞

姦讀爲放效之效言效小人爲淫

本疏攷證曰原引讀字在姦字之前

此疏約服義也今改正釋文云服氏同稽叔夜音效

肆管圍鄭

放鄭囚

本疏

次于陰口而還

登南曰陰口者水口也

水經消水注

國君十五而生子冠而生子禮也

人君禮十二而冠

宋書禮志攷證曰傳賈服說

以先君之祧處之

曾祖之廟曰祧

禮記祭法疏攷證曰又見冠義疏本疏引服注云祧謂曾祖之廟也

冠于成公之廟

成公衛曾祖時不冠于衛之始祖以非己廟故也

禮儀

士冠禮疏攷證曰曾祖下本有故以祧爲曾祖廟七字此疏語雜入者今去之

且要盟無質神弗臨也

質誠也無忠誠之信故神弗臨也

本疏

會吳子壽夢也

十年

壽夢發聲吳蠻夷言多發聲數語共成一言壽夢一

言也經言乘傳言壽夢欲使學者知之也

本疏

其將不免乎

免脫也言將不脫罪禍不以壽終也傳舉此者爲十九年齊殺其大夫高厚二十五年崔杼弑其君光起

本也

御覽皇親部太子類

縣門發耶人紇挾之以出門者

挾掇也謂以木掇挾縣門使舉令下容人出也門者

下屬爲句

本疏

親受矢石

古者以石爲箭鏑國語有隼集于陳侯之庭楛矢貫

之石磬

本疏

楚子囊鄭子耳侵我西鄙

不書諱從晉不能服鄭旋復爲楚鄭所伐恥而諱之

也

本疏

以位序聽政辟

鄭舊世卿父歿子代今子孔欲擅改之使以次先爲

士大夫乃至卿也

本疏

同盟于亳

十一年攷證曰公羊疏云服氏之經作京城北

七姓十二國之祖

晉主盟不自數

本疏

以師惺師觸師調

三師鐘師鑄師磬師謂惔能鐘觸能鑄觸能磬也

本疏

廣車軌車

鄭元云廣車橫陳之車也虔謂軌車屯守之車也

本疏

攷證曰又見宣十二年疏末並無也字虔謂二字本作服虔云以義改

淳十五乘

攷證曰疏云獨見服本皆云淳十五乘當時杜本作軌十五乘故疏云然

晉侯以樂之半賜魏絳

漢家郡守行大夫禮鼎俎豆工歌縣

春秋左氏膏肓釋病攷證

曰此書亦服氏作引見續漢書四

八年之中九合諸侯

八年從四年以來至十一年也九合諸侯者五年會

于戚一也其年又會于城棣救陳二也七年會于鄆
三也八年會于邾四也九年會于戲五也十年會
于柎六也又成鄭虎牢七也十一年同盟于京城北
八也又會于蕭魚九也

本疏攷證曰晉世家注引作九合一謂會于戚二會城棣

救陳三會于鄆四會于邾五同盟于戲六會于柎七成鄭虎牢八同盟于京城北九會于蕭魚則約之文京城本作亳城從公羊疏言服氏之經作京城改

不猶愈乎

十三年

愈猶病愈

本疏

曹宣公之卒也諸侯與曹人不義曹君將立子臧

十四年

宣公曹伯廬也以魯成公十三年會晉侯伐秦卒于
師曹君公子負芻也負芻在國聞宣公卒殺太子而
自立故曰不義之也子臧負芻庶兄史記吳世家注
不獲成焉

不得成戰陳之事

本疏

衛獻公戒孫文子甯惠子會皆服而朝日旰不召

孫文子林父也甯惠子甯殖也敕戒二子欲共晏會

皆服朝衣待命旰晏也

史記衛世家注

二子從之

從公于囿

衛世家注

孫文子如戚

戚孫文子邑也

衛世家注

孫氏追之敗公徒于阿澤鄆人執之

執追公徒者公如鄆故鄆人爲公執之

本疏攷證曰又見史記齊

世家注

射兩鉤而還

鉤車輓也兩輓又馬頸者

詩小戎疏攷證曰本疏無鉤也二字兩輓作兩邊

王室之不懷繫伯舅是賴

攷證曰舊本及賈氏皆作壞釋文云服本作懷

懷柔也繫蒙也賴恃也王室之不懷柔諸侯恃蒙齊

桓之匡正也

本疏

鄭氏佚書

春秋傳服氏注九

六

詩曰行歸于周萬民所望

逸詩也都人士首章有之

詩都人士疏攷證曰又見讀詩記引

屈蕩爲連尹

十五年

連尹射官言射相連屬也

本疏

富

富賈玉得富

周禮太宰疏

使諸大夫盟高厚

十六年

惡大夫專而君失權也

本疏攷證曰疏云賈服取公羊穀梁爲說

齊人獲臧堅齊侯使夙沙衛唁之

十七年

弔生曰唁以生見獲故唁之也

詩載馳疏攷證曰又見節南山疏釋文引

前四
字

抑君賜不終

言君義已故來唁之是惠賜也謂已無死不以義望

已是不終也

本疏

不如蓋之

蓋覆蓋之言左師無鷹鵠之志而蓋不義之人故尤

之

本疏

左師爲已短策苟過萼臣之門必騁

策馬捶也自爲短策過萼臣之門助御者擊馬而馳

惡之甚也

本疏

鄭氏佚書

春秋傳服氏注九

七

吾驟歌北風又歌南風南風不競多灰聲

十八年

北風夾鐘無射以北南風姑洗南呂以南南律氣不

至故灰聲多吹律而言歌與風者出聲曰歌以律是

候氣之管氣則風也故言歌風

周禮太師疏攷證曰又見保章氏疏本疏

云服虔以爲所西以北律呂爲北風以南爲南風又引南律二句南下有風字灰聲多作聲多灰

執邾悼公以其伐我故遂次于泗上疆我田取邾田自

漕水歸之于我

十九年

刺晉偏而魯貪

本疏攷證曰疏傳賈服

齊侯娶于魯曰顏懿姬無子其姪驪聲姬

兄子曰姪懿姬所從也顏驪皆其母姓因以爲號懿

聲皆其諡也傳家從後言之故舉諡也

御覽皇親部太子類

諸子仲子戎子戎子嬖仲子生豸屬諸戎子

諸子妾生子氏二子宋女豸公子豸也戎子子豸養

母也

御覽皇親部太子類

許之

齊侯許之

御覽皇親部太子類

廢常不祥

立嫡爲常立而廢之爲不祥也

御覽皇親部太子類

閒諸侯難

閒犯爲光已列于諸侯難成

史記齊世家注

列于諸侯矣

數從諸侯征伐盟會

齊世家注

是專黜諸侯

專獨也光比于諸侯列于會盟不可黜也

御覽皇親部太子類

而以難犯不祥也

以難成之事犯不善

御覽皇親部太子類

崔杼微逆光疾病而立之

微隱匿也疾困也而立爲太子

御覽皇親部太子類

婦人無刑

婦人從人者也故不爲制刑及犯惡從男子之刑也

本疏

齊侯圍之見衛在城上號之乃下問守備焉以無備告
指之乃登

賈逵說齊侯以衛告誠指而禮之欲生之也衛志于
戰死故不順齊侯之指而還登城彭仲博云齊侯欲
誅衛呼而下與之言因可取之無爲指之復令登城
仲博以爲齊侯號衛衛慙而下云問守備焉問衛之
守高唐者衛無恩信故令守者以無備告齊侯善其

言故指之乃命士卒登城此說近之

本疏攷證曰齊侯以高唐而還

登城御覽禮儀部引作服注蓋列在解詁中故傳服也本疏引賈逵說云云又傳服虔引彭仲博云云

鄭氏佚書

春秋傳服氏注九

九

末云此說近之是服所折衷非賈而
是彭也微御覽之引無以知之矣

孔成子曰

衛卿孔烝鉏

史記衛世家注

子盍詰盜

二十一年

盍何不也

本疏

庶其非卿也

邾莒無命卿

本疏攷證曰疏傳諸儒以爲當是舊說相承如此勿服解同

臧武仲如晉

二十二年

武仲非卿故不書

本疏

而以爲口實

實謂譴讓也

本疏

禮爲隣國闕

二十三年

隣國尙爲之闕樂況甥舅之親乎

儀禮聘禮疏

君子謂慶氏不義不可肆也

傳發此言爲不書慶氏以陳叛爲楚所圍稱國以殺

不成惡人肆其志也

本疏

及七輿大夫與之

下軍與帥七人

本疏

樂魴傷

魴盈之子

本疏

啟牢成御襄罷師狼遽疏爲右肱商子車御侯朝桓跳
爲右大殿商子游御夏之御寇崔如爲右

司馬遷謀帥篇曰大前驅敗乘車大晨倅車屬焉大

晨大殿也音相似

本疏

張武軍于熒庭

張設旗鼓也

本疏

趙勝帥東陽之師

東陽魯邑

本疏

藥石也

石砭石也

南史王僧儒傳

夫石猶生我

夫謂孟孫也

本疏

毋或如東門遂

東門遂襄仲也居東門故稱東門遂

史記傳世家注

猶有先人之敝廬在下

下從上讀言敝廬在下

本疏

作不順而施不怨也

不順謂阿季氏廢長立少也不怨謂惡孟氏立庶也

本疏

太上有立德

二十四年

鄭氏佚書

春秋傳服氏注九

十一

伏羲神農當之如此之類乃是立德也

本疏

其次有立功

禹稷當之如此之類乃是立功也

本疏

其次有立言

史佚周任臧文仲當之如此之類乃是立言也

本疏

象有齒以焚其身

焚讀曰償償僵也爲生齒牙僵仆其身

本疏

部婁無松柏

喻小國無賢材知勇之人而與大國等也

本疏

史皆曰吉

二十五年

皆二卦

本疏

乃爲崔子問公

伺公閒隙

史記齊世家注

公拊楹而歌

公以爲姜氏不知已在外故歌以命之也一曰公自

知見欺恐不得出故歌以自悔

齊世家注

不能聽命

言不能親聽公命

齊世家注

近于公宮陪臣干諷有淫者不知二命

攷證曰諷今本作振據注服本

是諷字

崔杼之宮近公宮淫者或詐傅公

齊世家注

一曰干扞也

諷謀也言受崔子命扞禦謀淫之人

本疏

故君爲社稷死則死之爲社稷亡則亡之

謂以公義爲社稷死也如是者臣亦隨之死

史記

齊世家注

若爲己死而爲己亡非其私暱誰敢任之

言君自以己之私欲取死之禍則私近之臣所當

任也

齊世家注

舍之得民

置之所以得人心

齊世家注

執簡以往

古文篆書一簡八字

儀禮聘禮疏

下車七乘

下車遣車也

本疏

上公饗餼九牢遣車九乘

禮記檀弓疏

井堙木刊

堙塞刊削也

詩泮水疏

祝祓社司徒致民司馬致節司空致地

祝與司徒等皆是陳人各致其所主于子產

本疏

武也知楚令尹

令尹屈建也

本疏

殺子叔及太子角 二十六年

殺太子角不書舉重者 本疏

專祿以周旋

專祿謂以戚叛也既叛衛亦不臣于晉自謂若小國

是爲專祿 本疏

先八邑

四井爲邑 史記鄭世家注

取衛西鄙懿氏六十

六十邑 本疏

晉侯賦嘉樂

晉侯自嘉樂愚之甚也

本疏

宋芮司徒

芮司徒宋大夫

御覽皇親部太子類

生女子赤而毛

其身赤而生毛也

御覽皇親部太子類

其姬之妾

其姬宋伯姬也

御覽皇親部太子類

平公入夕

視夕也平公恭姬子

御覽皇親部太子類

而視之尤

尤過也意悅之親之過久

御覽皇親部太子類

姬納諸御嬖生佐

納諸平公之御公嬖棄而生佐佐立爲宋元公

御覽皇親

部太子類

惡而婉太子淫美而很

婉婉順也佐貌惡心順太子貌美而心很很戾不從

教

御覽皇親部太子類

合左師畏而惡之

合左師向戌也

御覽皇親部太子類

寺人惠牆伊戾爲太子內師

寺人宋閹士惠牆皆發聲實爲伊戾名以公寺人爲

太子內師掌內官

御覽皇親部太子類攷證曰本疏引惠伊皆發聲實爲牆戾九字案

疏牆伊二字互換觀後獨傳伊戾是疏譌也

楚客聘于晉過宋

楚客道過宋

御覽皇親部太子類

夫不惡女乎

夫謂太子伊戾無寵于太子故曰夫不惡女

御覽皇親部太

子類攷證曰前二十三年疏引夫謂太子也五字

莫其其內臣請往也

言我內師也當爲內師供內使也

御覽皇親部太子類

加書徵之

以書爲之徵驗也書盟書也

御覽皇親部太子類

欲速

速疾也欲疾代公得位故與楚客謀弑其父也

御覽皇親部太子類

部太子類

則信有焉

有有盟徵也

御覽皇親部太子類

問諸夫人與左師則皆曰固問之

夫人佐母棄也固久也久間太子欲爲亂

御覽皇親部太子類

左師聞之

聞太子與佐期日中

御覽皇親部太子類

聒而與之語過期乃縊而死

聒謹也欲使失期于佐經書宋公殺其世子痤平公
用伊戾之譖聽夫人佐師之言世子無罪而死故傳

宋公殺罪之也

御覽皇親部太子類

克而取之

取魯高魚及反之皆不書蓋諱之

本疏

公喪之如稅服終身

二十七年

衰麻已除日月已過乃聞喪而服是爲稅服服之輕

者

本疏

仲尼使舉是禮也以爲多文辭

以其多文辭故特舉而用之後世謂之孔氏聘辭以
孔氏有其辭故傳不復載也

本疏

伯夙謂趙孟

伯夙晉大夫

本疏攷證曰疏云其意以爲別有伯夙非荀盈也

故不書其族言違命也

叔孫欲尊魯國不爲人私雖以違命見貶其于尊國

之義得之

本疏

趙孟爲客

楚君恆以大夫爲賓者大夫卑雖尊之猶遠君也楚

先畝爲盟主故尊趙孟爲客

本疏

宜其光輔五君以爲盟主也

文公爲戎右襄靈爲大夫成公爲卿景公爲太傅也

本疏

牀第之言不踰閭

簀謂之第

史記禮書疏

宋左師請賞曰請免死之邑

向戌自以止兵民不戰鬥自矜其功故求免死之賞

也

本疏

以誣道繁諸侯

攷證曰繁今本作蔽釋文云服虔王肅董遇並作繁本疏云服本作弊王肅本

鄭氏佚書

春秋傳服氏注九

七

皆作
蔽

熒跽也一曰罷也

本疏攷繼日釋文引前三字

告盧蒲嫫

嫫齊大夫慶封之屬

史記齊世家注

歲在星紀而淫于元枵以有時替陰不堪陽

二十八年

歲爲陽元枵爲陰歲乘陰進至元枵陰不勝陽故溫

無冰

本疏

楚不幾十年未能恤諸侯也

此行也楚康王卒至昭四年楚靈王合諸侯于申距

今八年故曰不幾十年是謂十年不克征也

本疏

舍不爲墀

攷證曰墀今本作壇從服本

除地爲墀

本疏

與慶舍政

舍慶封之子也生傳其職政與子

史記齊世家注

吳句餘予之朱方

句餘餘祭

本疏

祇見疏也

二十九年攷證曰祇今本作多疏云服本作祇古人多祇同意

祇適也

本疏

榮成伯賦式微

言君用中國之道微

詩式微疏

春秋傳服氏注九

春秋傳服氏注九

六

不尙取之

不尙尙也尙當取女叔侯般之疏

本疏

毋寧夫人而勇用老臣

毋寧寧也寧自取夫人將勇用老臣乎

本疏

吳公子札來聘

夷末新卽位使來通聘

本疏攷證曰疏解賈服

請觀于周樂

周樂魯所受四代之樂也

史記吳世家注

猶未也

未有雅頌之成功

詩關雎序疏攷證曰史記吳世家注引賈注同前句言字未有也字

爲之歌邶鄘衛

邶在紂都之西

詩邶鄘衛譜疏攷證曰疏傳王肅服虔以爲云云

地理志云

武王崩三監叛周公誅之盡以其地封弟康叔號曰

孟侯遷邶鄘之民于洛邑故邶鄘衛三國之詩相與

同風

同上攷證曰疏傳服虔依以爲說

爲之歌王

王室當在雅衰微而列在風故國人傳尊之故傳王

猶春秋之王人也

史記吳世家注

傳王而列于諸侯之上在

風則卑矣

詩王譜疏攷證曰上承尊之猶傳王猶春秋之王人十一字文重刪去

其周之東乎

鄭氏佚書

春秋傳服氏注九

九

平王東遷雒邑

史記吳世家注

爲之歌鄭

鄭東鄭古檜國之地

詩鄭譜疏

其細已甚民勿堪也是其先亾乎

其風細弱已甚攝于大國之間無遠慮持久之風故

曰民不堪將先亾也

史記吳世家注

泱泱乎大風也哉

泱泱舒緩深遠有太和之意其詩風刺辭約而義微

體疏而不切故曰大風

吳世家注

國未可量也

國之興衰世數長短未可量也

吳世家注

此之謂夏聲

秦仲始有車馬禮樂之好待御之臣戎車四牡田狩之事其孫襄公列爲秦伯故有蒹葭蒼蒼之歌終南之詩追錄先人車鄰駟鐵小戎之歌與諸夏同風故

曰夏聲

詩素譜疏

自鄆以下無譏焉

鄆是陸終第四子求言後

詩鄆鄭譜疏攷證曰鄆鄭譜疏傳韋昭服虔皆云

鄆以下及曹風也其國小無所刺譏

史記吳世家注

爲之歌小雅

自鹿鳴至菁菁者莪道文武修小政定大亂致太平

樂且有儀是爲正小雅

詩小大雅譜疏

思而不貳怨而不言其周德之衰乎猶有先王之遺民焉

此歎變小雅也其意言思上世之明聖而不貳于當時之王怨當時之政而不有背叛之志也其周德之衰微乎疑其幽厲之政也

本疏

爲之歌大雅

陳文王之德武王之功自文王以下至魯豈是爲正

大雅

詩小大雅譜疏

爲之歌頌

哀公十一年孔子自衛反魯然後樂正雅頌各得其
所距此六十二歲當時雅頌未定而云爲之歌小雅
大雅頌者傳家據已定錄之

詩譜
序疏

遷而不淫

遷徙也文王徙鄴武王居鄘

史記吳
世家注

見舞象箭南籥者曰美哉猶有憾

象文王之樂舞象也箭舞曲名言天下樂削去無道

詩維清序疏攷證曰吳世家注引賈說象文十二
字名作也本疏引賈說箭舞十二字並與此同

憾也恨不及已以伐紂而致太平也

史記吳
世家注

而猶有慚德聖人之難也

慚于始伐而無聖佐故曰聖人之難也

吳世家注

勤而不德

禹勤其身以治水土也

吳世家注

見舞韶箭者

有虞氏之樂大韶也

吳世家注

德至矣哉

至帝王之道極于韶也盡美盡善也

吳世家注

若有他樂吾不敢請已

周用六代之樂堯曰咸池黃帝曰雲門魯受四代下

周二等故不舞其二季札知之故曰有他樂吾不敢

請

吳世家注

子速納邑與政

入邑與政職于公不與國家之事

吳世家注

慎之以禮

禮所以經國家利社稷也

吳世家注

將宿于戚聞鐘聲焉

孫文子鼓鐘作樂也

吳世家注

辯而不德必加于戮

辯若鬥辯也夫以辯爭不以德居之必加于刑戮也

吳世家注

文子聞之終身不聽琴瑟

聞義而改也琴瑟不聽而況于鐘鼓乎

吳世家注

晉國其萃于三族乎

言晉國之祚將集于三家

吳世家注

吾子好直必思自免于難

直不能曲撓以從眾

吳世家注

穆叔問王子之爲政如何

三十年攷禮曰一本作問王子圍之爲政一本無圍字服虔王肅

本同

王子楚令尹王子圍也

本疏

吏走問諸朝

攷證曰吏今本作使服虔王肅本作吏

吏不知歷數故走問于卿大夫

本疏

而廢其輿尉

輿尉軍尉主發眾使民

本疏

易鳴于亳社

殷宋之祖也故鳴其社伯姬魯女欲使魯往悟伯姬

也

本疏

宋大災宋伯姬卒待姆也

不書大非災火及人伯姬坐而待之耳

本疏

大夫放

攷證曰放今本作敖據注服本是放字

春秋傳服氏注九

重

言大夫淫放

本疏

立胡女敬歸之子子野

三十一年

胡歸姓之國也

史記魯世家注

立敬歸之娣齊歸之子

齊諡也

魯世家注

無則立長

無母弟則立庶子之長

魯世家注

猶有童心

言無成人之志而有童子之心

魯世家注

以羸諸侯

嬴讀爲盈盈受

本疏攷證曰疏言賈服王注皆讀爲盈故皆訓爲受

延州來季子

延延陵也州來邑名季子讓王位升延陵爲大夫會

邑州來傳家通言之

本疏

令尹似君矣

言令尹動作以君儀故云似君矣

本疏

鄭氏佚書

春秋傳服氏注九

十四